

## Allannguutissatut siunnersuut

## uunga

**UPA 2015/150: Uunga siunnersuut: Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2015-imeersoq** (Inatsisartunut ilaasortat il.il. sulinnigiffeqarallarsinnaanerannut il.il. malittarisassanik Inatsisartut aalajangersaanerat)

Aappassaaneerinninnissamut Inatsisinut Ataatsimiititaliamit saqqummiunneqartoq.

## Inatsisissatut siunnersuutip qallunaatuuta qulequtaanut

**1. Inatsisissatut siunnersuutip qallunaatuuta qulequtaa ima oqaasertaqassaaq:**  
”**Forslag til: Inatsisartutlov nr. x af xx. xxx 2015 om ændring af landstingslov om vederlag m.v. medlemmer af Inatsisartut og Naalakkersuisut m.v.**  
(Inatsisartut fastsætter orlovsregler mv. for Inatsisartut’s medlemmer mv.)”

**2. § 1, nr. 1, ima oqaasertaqassaaq:**

”**1. § 2, imm. 2-5 ima oqaasertaqassapput:**

”*Imm. 2.* Inatsisartunit sulinnigiffeqarallartarnermut najuutinnigikkallartarnermullu akuersisarnermut malittarisassanik Inatsisartut aalajangersaassapput.

*Imm. 3.* Aningaasarsiaqaataasumik sulinnigiffeqarallarsinnaaneq aatsaat akuersissutigineqarsinnaavoq Inatsisartunut ilaasortaq pissutissaqavilluni najuussinnaangippat imaluunniit malittarisassat imm. 2 malillugu aalajangersarneqartut tassungalu assersuunneqarsinnaasut malillugit.

*Imm. 4.* Inatsisartunut ilaasortaq pisuni immikkorluinnaq ittuni aningaasarsiaqaataannigsumik sulinnigiffeqarnissamut akuerineqarpat, ilaasortaq aningaasarsiaqartitaassanngilaq aningaasartuutinulluunniit tapiissutinik pisartagaqassanani, taamatullu aamma sulinnigiffeqarallarnerup nalaani soraarnerussutisiassanut ilaasortaajunnaarneruutitnulluunniit katersaqarsinnaanani.

*Imm. 5.* Inatsisartunut ilaasortaq Naalakkersuisunut ilaasortatut atuuffeqarniarluni sulinnigiffeqarallarnissamut akuerineqartoq, sulinnigiffeqarallarnerup nalaani ilaasortaajunnaarneruutitnulluunniit katersaqarsinnaanngilaq.””

**3. § 1, nr. 2, ima oqaasertaqassaaq:**

”**2. § 3-p kingornanut paragrafitut nutaatut ilanngunneqassaaq:**

“**3a.** Qanigisamik toqusoqartillugu pinartumilluunniit napparsimasoqartillugu malittarisassat Namminersorlutik Oqartussani tjenestemandinut qaqugukkulluunniit atuuttut malillugit akiliunneqarluni angalasoqarsinnaavoq.””

**4.** § 1, nr. 3, ima oqaasertaqassaaq:

“**3.** § 6 ima oqaasertaqassaaq:

”§ 6. Inatsisartut siulittaasuat, Naalakkersuisut siulittaasuat Naalakkersuisunullu ilaasortat aningaasarsiat § 1, imm. 1-imi taaneqartut saniatigut akissaatit inissisimaffiat 38 malillugu aningaasarsianik tapisianik tamanut atuuttunik ilasanik ukiumut aningaasarsiaqartinneqassapput. Aningaasarsiat naatsorsorneqassapput tjenestemandit akissarsiaasa allallu iluarsiivigineqartarnerat pillugu ASG-mut isumaqatigiissut qaqugukkulluunniit atuuttoq aallaavigalugu.

*Imm. 2.* Inatsisartut siulittaasuannut Naalakkersuisullu siulittaasuannut kr. 120.930-nik immikkut tapisiaqartitsisoqassaaq.

*Imm. 3.* Naalakkersuisunut ilaasortanut Inatsisartunut ilaasortaangitsunut Inatsisartunut ilaasortat aningaasarsiaasa § 1, imm. 1-imi taaneqartut annertoqataannik tapisiaqartitsisoqassaaq.

*Imm. 4.* Inatsisartut siulittaasuat, Naalakkersuisut siulittaasuat Naalakkersuisunullu ilaasortat qaammatip qinigaaffiup aallaqqaataanit qaammatip taamatut atuukkunnaarfiup naanissaata tungaanut aningaasarsiaqartinneqassapput. Aningaasarsiat qaammammum siumoortumik tunniunneqassapput. Imm. 1 - 3-mi taaneqartut aningaasarsiat tapisiallu iluarsiivigineqartarnerisa ASG-mi isumaqatigiinniuteqartarfimmi ineriartorneq malittaraat.

*Imm. 5.* Inatsisartut siulittaasuat Naalakkersuisullu siulittaasuat ineqartinneqassapput. Siulittaasut inigisap attartorneranut akiliisassanngillat, ukiumulli attartornerup kr. 48.000 kr-inik nalilerneqarnera tunngavigalugu akileraartinneqassallutik. Namminersorlutik Oqartussat inissianik ingerlatsinermut aningaasartuutit akilertassavaat. Inissianut atatillugu ingerlatsinermut aningaasartuutit isertitat akileraaruteqaataasussat naatsorsorneqarneranni ilaatinneqartassanngillat.

*Imm. 6.* Naalakkersuisunut ilaasortanut inissamik atugassiisoqassaaq. Ilaasortat Namminersorlutik Oqartussat atorfimmut atasumik pinngitsoorani inigisassat inigitittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 60%-iinik ineqarnermut akiliuteqartassapput.

*Imm. 7.* Procentip imm. 6-imi taaneqartup aamma sulisorisanut inissiamut ineqarnermut akiliutip tamakkiisup assigiinngissutaat inuit pineqartut isertitaasa akileraaruteqaataasussat naatsorsorneqarneranni ilaatinneqassanngillat.

*Imm. 8.* Inigisat imm. 5 aamma 6 malillugit atugassiissutigineqartut atuuffiup naanerani qimanneqassapput. Inissiat pineqartut nutserfigineqarnerinut qimanneqarnerinillu atatillugu aningaasartuutit Namminersorlutik Oqartussanit matussuserneqartassapput.

*Imm. 9.* Piffissami ilaasortaajunnaarnerisuteqarfimmi utaqqiisaasumik ineqartitsisoqassaaq. Inissianut Namminersornerullutik Oqartussat attartortittagaannut ineqarnermut akiliutit naatsorsorneqartarnerinut maleruagassat qaqugukkulluunniit atuuttut naapertorlugit ineqarnermut akiliuteqartoqartassaaq. Piffissaq ilaasortaajunnaarnerisuteqarfik naappat

inigisaq qimanneqassaaq.

*Imm. 10.* Napparsimaneq aamma qanigisap toquneranut napparsimarulunneranulluunniit atatillugu najuutinnginneq Naalackersuisut Siulittaasuannut Naalackersuisunullu ilaasortanut pissutissaqavilluni peqataannginnertut isigineqassaaq. Najuutinnginnermi Namminersorlutik Oqartussani kommuninilu tjestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.

*Imm. 11.* Naartunermut, erninermut meeravissiarthaarnermullu atatillugu sulinnigiffeqarneq Naalackersuisut Siulittaasuannut Naalackersuisunullu ilaasortanut pissutissaqavilluni peqataannginnertut najuutinnginnertut isigineqassaaq.””

## **Allannguutissatut siunnersuummut nassuiaatit**

### **Nalinginnaasumik nassuiaatit**

Allannguutissatut siunnersuutip malitsigisaanik § 2, imm. 4-p oqaasertalerneqarnissaanut siunnersuut allanngortinneqarpoq oqaaseqatigiit aappaat peerneqartussanngorlugit. Taamaalilluni sulinnigiffeqarnermut atatillugu massakkumut allassimasimasutut piumasqaatigineqarsinnaassanngilaq Inatsisartut ilaasortap pineqartup sinniisussami ataatsimiigiaqquneqarneranut atatillugu aningaasartuutit akilissagai. Tamatumunnga tunuliaqutaasut eqqarsaatigalugit Inatsisinut Ataatsimiititaliap isumaliutissiissutaa innersuussutigineqarpoq.

Allannguutissatut siunnersuut taamatuttaaq inatsisiliornermi teknikikkut iluarsiinernik assigiinngitsunik malitseqarpoq.

## **Aalajangersakkanut ataasiakkaanut nassuiaatit**

Nr. 1-imut.

Allanngortitsineq inatsisilerinermi teknikimut taamaallaat tunngavoq.

Nr. 2-mut.

Inatsisissatut siunnersuutaqaartumi § 2, imm. 4-p oqaasertalerneqarnera allanngortinneqarpoq oqaaseqatigiit aappaat peerneqartussanngorlugi. Taamaalilluni sulinnigiffeqarnermut atatillugu massakkumut allassimasimasutut piumasqaatigineqarsinnaassanngilaq Inatsisartut ilaasortap pineqartup sinniisussami ataatsimiigiaqquneqarneranut atatillugu aningaasartuutit akilissagai. Tamatumunnga tunuliaqutaasut eqqarsaatigalugit Inatsisinut Ataatsimiititaliap isumaliutissiissutaa innersuussutigineqarpoq.

Tamatuma saniatigut marlussunnik allanngortitsisoqarpoq inatsisilerinermut teknikimut

taamaallaat tunngasunik.

Nr. 3-mut.

Allanngortitsineq inatsisilerinermi teknikimut taamaallaat tunngavoq.

Nr. 4-mut.

Allanguutissatut siunnersuutikkut inatsisilerinikkut teknikimut tunnganerusunik assigiinngitsunik allanngortitsisoqarpoq.